



**UNIVERSITI MALAYSIA PAHANG
AL-SULTAN ABDULLAH**

**GARIS PANDUAN
ANUGERAH KECEMERLANGAN INDUSTRI & MASYARAKAT
(AKIM)**

**Disediakan oleh: Pusat Jaringan Industri & Masyarakat
Tahun 2024**

KANDUNGAN

	Muka Surat
1. Tujuan	3
2. Maklumat Kelulusan	3
3. Latar Belakang	3
4. Asas Pertimbangan	4
5. Keterangan & Kriteria Anugerah Kualiti Kerjasama Industri / Kerjasama Masyarakat	5
6. Bentuk / Nilai Anugerah	7
7. Syarat Permohonan	7
8. Prosedur Pencalonan	8
9. Proses Penilaian	9
10. Maklumat Urus Setia	9
11. Pematuhan	9
Lampiran A1: Panduan Portfolio - Kategori Kualiti Kerjasama	
Lampiran A1: Panduan Portfolio - Kategori Rakan Kerjasama	
Lampiran B: Carta Alir Proses Kerja AKIM	
Lampiran C: Rubrik Pemarkahan	

GARIS PANDUAN
ANUGERAH KECEMERLANGAN INDUSTRI & MASYARAKAT

1. TUJUAN

- 1.1 Tujuan garis panduan ini disediakan sebagai rujukan kepada staf untuk memohon Anugerah Kualiti Kerjasama Industri / Anugerah Kualiti Kerjasama Masyarakat dalam penganjuran Anugerah Kecemerlangan Industri & Masyarakat di Universiti Malaysia Pahang.
- 1.2 Dokumen ini mengandungi maklumat merangkumi latarbelakang, asas pertimbangan, keterangan dan kriteria anugerah, bentuk/ nilai anugerah, syarat permohonan dan sebagainya yang akan menjadi sumber rujukan dalam membantu kelancaran pelaksanaan anugerah ini.

2. PUNCA KUASA

- 2.1 Kertas kerja pengwujudan Anugerah Kecemerlangan Industri & Masyarakat telah dibentangkan dan diperakukan di Mesyuarat Jawatankuasa Penyelidikan & Pengembangan Ilmu (JPPI) Kali Ke - 42 Bil. 3 yang telah diadakan pada 21 Jun 2016 serta diluluskan oleh Mesyuarat Jawatankuasa Pengurusan Universiti (JKPU) Kali Ke 100 Bilangan 6/2016 (Sambungan 1) yang bersidang pada 7 September 2016.
- 2.2 Mesyuarat JKPU Ke-223 Bil. 2/2024 telah meluluskan kertas kerja bagi cadangan penambahbaikan dari segi pelarasan bentuk/nilai anugerah untuk setiap kategori serta tambahan dua kategori baru berdasarkan syor Mesyuarat KPI Dekan bersama Naib Canselor UMPSA Kali Ke-3, Bilangan 1/2023 pada 4 April 2023.

3. LATAR BELAKANG

- 3.1 PJIM merupakan sebuah jabatan yang menggalakkan penglibatan dan kerjasama erat antara pihak akademia dan industri serta masyarakat di mana secara tidak langsung dapat meningkatkan taraf hidup dan pendapatan bagi sesebuah komuniti di samping kerjasama strategik institusi ilmu dengan industri. Perkongsian yang kukuh dengan industri serta komuniti ini akan membuka peluang kepada ahli akademik untuk mendapatkan pengalaman dan pendedahan untuk menjadi relevan dengan keperluan semasa di pasaran.
- 3.2 Buat masa ini, pengiktirafan dan penghargaan yang diberikan adalah disediakan kepada mereka yang menunjukkan kecemerlangan dalam pengajaran & pembelajaran, pembangunan & penyelidikan, penulisan dan sebagainya melalui Anugerah Cendekia Bitara dan Anugerah Akademik Universiti.
- 3.3 Justeru, atas faktor tersebut serta mengambil kira khidmat sumbangan yang berwibawa dan berkualiti dalam bidang industri dan masyarakat maka cadangan anugerah ini diwujudkan selaras dengan hasrat Universiti untuk memberi insentif dan pengiktirafan bagi menggalakkan staf

UMPSA supaya terus memberi komitmen padu dalam kegiatan libatsama antara Universiti dengan industri dan komuniti.

4. ASAS PERTIMBANGAN

- 4.1 Malaysia berhasrat menjadikan inovasi sebagai peneraju pertumbuhan ekonomi negara dan membangunkan ekosistem inovasi sebagai salah satu lonjakan dalam Pelan Pembangunan Pendidikan Malaysia (Pendidikan Tinggi).
- 4.2 Antara pendekatan yang digunakan adalah quadruple helix ataupun konsep lingkaran empat pihak iaitu melalui penggabungan tenaga antara akademik, industri, kerajaan dan komuniti akan mewujudkan pemindahan pengetahuan (knowledge exchange) bagi menjana pertumbuhan dalam bidang keutamaan negara.
- 4.3 Keunggulan Penyelidikan dan Inovasi merupakan salah satu daripada lima lonjakan yang telah dikenalpasti dalam pelaksanaan Pelan Strategik UMPSA 2016-2020. Melalui lonjakan ini, UMPSA komited untuk memberikan tUMPSAuan khusus terhadap kemampanan penyelidikan yang memberi impak kepada masyarakat melalui kluster penyelidikan yang berstruktur.
- 4.4 Penekanan juga turut dinyatakan melalui objektif strategik UMPSA yang keempat iaitu kemampanan sosio ekonomi dan persekitaran. Universiti merupakan wadah dalam memberi impak terhadap pembangunan sosio-ekonomi, persekitaran dan masyarakat. Maka satu gerakan usaha kerja amal kemasyarakatan dan pemindahan pengetahuan dan ilmu ke peringkat yang seterusnya diterjemahkan melalui projek inovasi sosial. Untuk itu, program Universiti Komuniti adalah merupakan gerakan besar-besaran UMPSA untuk memasyarakatkan universiti melalui pengetahuan dan teknologi.
- 4.5 Oleh itu, sebagai penghargaan kepada jasa dan pengorbanan yang diberikan oleh warga kerja UMPSA terhadap keterlibatan dalam aktiviti dan program libatsama industri dan komuniti, perlunya anugerah ini diwujudkan bagi memberi pengiktirafan kepada warga kerja UMPSA di samping sebagai pemangkin kepada usaha untuk meningkatkan kebertanggungjawab warganya menyumbang ilmu dan kepakaran dalam pembangunan industri dan komuniti.

5. **KETERANGAN & KRITERIA ANUGERAH KUALITI KERJASAMA KERJASAMA INDUSTRI & MASYARAKAT**

<p>Objektif Anugerah</p>	<p>Bagi kategori Anugerah Kualiti Kerjasama Industri ianya merupakan suatu pengiktirafan dan penghargaan kepada warga kerja UMPSA yang telah bekerjasama secara aktif dengan industri dalam aktiviti-aktiviti berkaitan pendidikan, penyelidikan dan perkhidmatan (semua staf akademik dan dan staf bukan akademik).</p> <p>Bagi kategori Anugerah Kualiti Kerjasama Masyarakat pula ianya untuk memberi pengiktirafan kepada individu dalam kalangan staf akademik dan staf Pengurusan, Profesional & Pelaksana yang aktif dalam persatuan/pertubuhan dalam dan luar UMPSA serta aktif dalam memberi khidmat kepada masyarakat secara sukarela.</p>
<p>Kategori Anugerah</p>	<p>Terbahagi kepada lapan (8) iaitu:</p> <ol style="list-style-type: none"> i. Anugerah Kualiti Kerjasama Industri (kategori staf akademik) ii. Anugerah Kualiti Kerjasama Industri (kategori staf bukan akademik) iii. Anugerah Kualiti Kerjasama Industri (kategori Jabatan) iv. Anugerah Kualiti Rakan Kerjasama Terbaik (kategori Industri) v. Anugerah Kualiti Kerjasama Masyarakat (kategori staf akademik) vi. Anugerah Kualiti Kerjasama Masyarakat (kategori staf bukan akademik) vii. Anugerah Kualiti Kerjasama Masyarakat (kategori Jabatan) viii. Anugerah Kualiti Rakan Kerjasama Terbaik (kategori Masyarakat)
<p>Kriteria Anugerah Kualiti Kerjasama Industri</p>	<p>Anugerah Kualiti Kerjasama Industri - bagi kategori staf akademik:</p> <ol style="list-style-type: none"> a. Penglibatan staf dari skim akademik samada bertaraf jawatan tetap atau kontrak UMPSA dalam program/projek (Tidak termasuk skim Fellow Penyelidik/Akademik, Pasca Doctoral, Profesor Adjung dll). b. Terdapatnya kelestarian hubungan dengan rakan Industri. c. Mempamerkan komitmen yang berterusan dalam melaksanakan projek libatsama universiti-industri yang boleh diukur, relevan, lestari, reflektif dan timbalbalik. d. Projek melibatkan sumbangan kewangan tunai/setara. e. Terdapatnya libatsama oleh pihak pelajar/staf/UMPSA/Industri/ Komuniti lain dalam pengendalian program/projek. f. Terdapatnya hasil dan impak nyata kepada kumpulan sasaran/ UMPSA/Industri dalam program/projek jaringan Industri yang dijalankan.

	<p>Anugerah Kualiti Kerjasama Industri - bagi kategori staf bukan akademik:</p> <ol style="list-style-type: none"> a. Penglibatan staf dari mana-mana skim bukan akademik termasuk kumpulan pelaksana bertaraf jawatan tetap atau kontrak UMPSA dalam program/projek (tidak termasuk Research Assistant dll). b. Menjadi Ketua Program/Projek atau Penggerak (memainkan sumbangan signifikan) bagi program/projek kerjasama Industri yang memberi impak yang tinggi. c. Menyumbang secara signifikan kepada kejayaan projek misalnya memperoleh sumbangan kewangan atau setara dalam jumlah yang signifikan daripada pihak industri. d. Mempamerkan komitmen yang berterusan dalam melaksanakan projek libatsama universiti-industri yang boleh diukur, relevan, lestari, reflektif dan timbalbalik. e. Lain-lain seperti kriteria (e) dan (f) di atas.
<p>Kriteria Anugerah Kualiti Kerjasama Masyarakat</p>	<p>Anugerah Kualiti Kerjasama Masyarakat – bagi kategori staf akademik:</p> <ol style="list-style-type: none"> a. Penglibatan staf dari skim akademik samada bertaraf jawatan tetap atau kontrak UMPSA dalam program/projek (Tidak termasuk skim Fellow Penyelidik/Akademik, Pasca Doctoral, Profesor Adjung dll.) b. Terdapatnya kelestarian hubungan dengan rakan Komuniti. c. Terdapatnya sumbangan kewangan atau setara dalam menjayakan projek Komuniti. d. Terdapatnya libatsama oleh pihak pelajar / staf / UMPSA / Industri / Komuniti lain dalam pengendalian program / projek Komuniti. e. Terdapatnya hasil dan impak nyata kepada kumpulan sasaran/ UMPSA dalam program/projek Komuniti yang dijalankan <p>Anugerah Kualiti Kerjasama Masyarakat – bagi kategori staf bukan akademik:</p> <ol style="list-style-type: none"> a. Penglibatan staf dari mana-mana skim bukan akademik termasuk kumpulan pelaksana bertaraf jawatan tetap atau kontrak UMPSA dalam program/projek (tidak termasuk Research Assistant dll). b. Menjadi Ketua Program / Projek atau Penggerak (memainkan sumbangan signifikan) bagi program/projek kerjasama masyarakat yang memberi impak yang tinggi.

	c. Menyumbang secara signifikan kepada kejayaan projek misalnya memperoleh sumbangan kewangan atau setara dalam jumlah yang signifikan daripada pihak industri.
--	---

6. BENTUK / NILAI ANUGERAH

6.1 Satu pemenang akan dipilih bagi setiap anugerah bagi setiap kategori

6.2 Pemenang akan menerima wang tunai, sijil penghargaan beserta trofi (rujuk jadual dibawah):

Bil	Kategori	Bentuk / Nilai Anugerah
1	Anugerah Kualiti Kerjasama Industri - bagi kategori staf akademik	Sijil & RM 1,500 x 1 wakil pemenang setiap fakulti/pusat
2	Anugerah Kualiti Kerjasama Industri - bagi staf bukan akademik	Sijil & RM 1,500.00 x 1 pemenang
3	Anugerah Kualiti Kerjasama Masyarakat - bagi kategori staf akademik	Sijil & RM 1,500.00 x 1 pemenang
4	Anugerah Kualiti Kerjasama Masyarakat - bagi kategori staf bukan akademik	Sijil & RM 1,500.00 x 1 pemenang
5	Anugerah Kualiti Kerjasama Industri - bagi Jabatan	Sijil & RM 1,500.00 x 1 pemenang
6	Anugerah Kualiti Kerjasama Masyarakat - bagi Jabatan	Sijil & RM 1,500.00 x 1 pemenang
7	Anugerah Kualiti Rakan Kerjasama Terbaik Industri	Sijil & Trofi
8	Anugerah Kualiti Rakan Kerjasama Terbaik Masyarakat	Sijil & Trofi

Telah diluluskan dalam Mesyuarat Jawatankuasa Pengurusan Universiti (JKPU) Ke-223 Bil. 2/ 2024

6.3 Pemenang akan diberi penghormatan berkongsi pengalaman dalam program perkembangan profesional staf, kursus induksi dan sebagainya.

7. SYARAT PERMOHONAN

7.1 Terbuka kepada semua warga UMPSA samada staf akademik atau staf bukan akademik kecuali urusetia AKIM.

8. PROSEDUR PENCALONAN

BIL.	PERKARA	KETERANGAN
	Prosedur Pencalonan:	<ul style="list-style-type: none">• Pencalonan boleh dibuat berdasarkan:<ol style="list-style-type: none">i. Pencalonan diri sendiriii. Pencalonan oleh individu lainiii. Pencalonan Fakulti/ PTJ• Pencalonan adalah berdasarkan program keterlibatan industri / komuniti yang dijalankan sepanjang tahun semasa sahaja. Walau bagaimanapun, sekiranya program yang dijalankan telah dimulakan sebelum tahun semasa dan masih berterusan ke tahun penilaian, ianya boleh diambil kira.• Calon hendaklah mengisi borang pencalonan Anugerah Kecemerlangan Industri & Masyarakat bagi Anugerah Kualiti Kerjasama Industri / Anugerah Kualiti Kerjasama Masyarakat
	Dokumen yang perlu diisi dalam permohonan	<ul style="list-style-type: none">• Curriculum Vitae (CV) dan pencapaian calon.• Penyataan ringkas berkaitan sumbangan dan pencapaian (250 patah perkataan).• Portfolio Anugerah. Rujuk Panduan Portfolio (Lampiran A).• Sebarang dokumen sokongan yang berkaitan sebagai bahan bukti sumbangan dan pencapaian. Contoh: keratan / salinan media cetak, rakaman, gambar projek / aktiviti, penyata geran, laporan teknikal, sijil, surat dan sebagainya.

8.2 Proses Kerja Pencalonan yang lengkap boleh dirujuk di **Lampiran B**.

8.3 Permohonan yang tidak lengkap atau tidak memenuhi kriteria yang ditetapkan tidak akan dipertimbangkan.

9. PROSES PENILAIAN

9.1 Penilaian adalah berdasarkan kriteria dan pemberat (**Lampiran C Rubrik Permarkahan AKIM**) yang dipersetujui oleh Jawatankuasa Penilai Anugerah Kecemerlangan Industri & Masyarakat UMPSA.

9.2 Jawatankuasa ini akan meneliti dan menilai semua permohonan bersama dengan semua bahan bukti termasuk portfolio.

9.3 Jawatankuasa Penilai ini terdiri daripada:

- i. Pengerusi: Penolong Naib Canselor (Pusat Jaringan Industri & Masyarakat)

- ii. Pengarah Bahagian Hubungan Universiti – Industri (Boleh bertindak sebagai pengerusi jika ketiadaan Penolong Naib Canselor)
 - iii. Pengarah Bahagian Hubungan Universiti – Komuniti (Boleh bertindak sebagai pengerusi jika ketiadaan Penolong Naib Canselor)
 - iv. Sekurang-kurangnya **dua (2) orang** staf akademik terdiri daripada penyelaras industri / komuniti
 - v. Sekurang-kurangnya **satu (1) orang** Penilai Luar (Akademik/Industri)
 - vi. Setiausaha / Urusetia: Bahagian Pusat Jaringan Industri & Masyarakat (PJIM)
- 9.4 JK Penilai AKIM akan memperakukan keputusan kepada Mesyuarat Pemilih Penerima Anugerah Hari Kualiti & Inovasi.
- 9.5 Keputusan adalah MUKTAMAD dan akan dimaklumkan kepada pemenang dan Dekan / Pengarah / Ketua Jabatan PTJ.

10 MAKLUMAT URUS SETIA

- 10.1 Urusetia Anugerah Kecemerlangan Industri & Masyarakat (AKIM) UMPSA
Pusat Jaringan Industri & Masyarakat (PJIM)
Universiti Malaysia Pahang Al-Sultan Abdullah, Kampus Gambang
icon@umpsa.edu.my
09-4315041

11 PEMATUHAN

Garis Panduan ini mestilah dipatuhi oleh semua pemohon atau pencalon bagi melayakkan penganugerahan Anugerah Kecemerlangan Industri & Masyarakat (AKIM).